

König Wladislaus gebietet dem Landvogt Siegmund von Wartemberg abermals, die von Hans von Miltitz vorgebrachte Exception nicht zu beachten, sondern den von demselben zu Pulßnitz aufgerichteten Jahrmarkt und die zwei Wollmärkte abstellen zu lassen. **Ofen, 1503 Dec. 11.**

Hdschr.: Volumus des Rathes zu Görlitz von 1504 Jan. 9, Staltarchiv Kamenz No. 118. Das S. des Görlitzer Rathes 5 an Pergamentstreif.

Wir Wladislaus vonn gots gnadenn zu Hungern, Behem 2c. kunig —, entpietten dem edelen, unßerm liebenn getrewen, Sigmunden von Wartenberg uff Tetschenn — unußern gad unnd alles gut. Lieber getrewer. Wir habenn dir vormals in unußrer commission geschribenn unnd ernstlich bevohlen, mit Hanßen von Miltitz zur Pulßnitz, 10 unußerm liebenn getrewen, zu verschaffen, das er sein jarmargkt unnd tzwene wollenmergkte in seim stetelein Pulßnitz, unußern steten Budissinn, Lobaw unnd Camentz zu schadenn von newes uffgericht, abstelle unnd der hynfurder nicht gebrawche. — Aber uns kommet vor, wie oberurten (*sic*) von Camentz vor dir und deinen beisitzern gestanden unnd dich amptshalben anstat unßer und awß krafft unßrer commissionen, denselben volge 15 zu thun vleissig bittende, obgenanten Hanßen von Miltitz dermassen zu undirsagen unnd vermögen, damit sein obgedachte wolle- und jarmargte abgetan, inn kunfftigen tzeitten keinen zu Pulßnitz halde und auffrichte, des sich Hans von Miltitz durch manchfeldige schutzrede unnd exception awffgehalten, bemelten jarmargkt im awß gnaden von uns gegeben wer den von Camentz ausserhalbe der meile gelegenn ane schaden —. Dorumbe 20 bevelhen wir dir abermals in macht dießer unußern commission ernstlich unnd wellen, das du unangesehen vorgeante exception — kein stat haben, mit egenanten Hannße von Miltitz schaffest, sein newe mergkt, wolleschar und anders unvortzoglich abstelle —, damit obbestympt unußern stete privilegien unnd freiheit, in von konig Wentzlaw geben und, wie obengehort, von uns confirmirt, an abbruche in weßen vorbleibe. Unnd ap 25 hyrgegen Hans von Miltitz einich schrifft adir commißlich bephell von uns erlanget und wir durch unnsere geschefft verhindert dieße commission in vorgessen setzenn wurden, der sollestu dich gegenwertigem unußern gebote nach enthalden unnd vor keine ansehen. Und ap vorberurter Hans von Miltitz denselben newen jarmargkt unnd tzwu wolleschar nicht abstellet, so gebietten wir dir aber eins, dartzu mannen und steten deins ampts, 30 die mit berurten privilegien konig Wentzlaw desselbigen innhalds von egenanter stadt Camentz ersucht werden, sollich newe jarmargkt unnd tzwu wolleschar zu weren unnd zu storen. Davon thu hirinnen kein anders; das meynen wir ernstlich. Datum Offen dinstags vor Lucie anno domini 2c. xv^e im drittenn, unßerer reiche des Hungerischen im vierzehnden unnd des Behemisschen im drey unnd dreyssigsten jaren.

35
Ex comissione propria majestatis regie.